

սուրերը, դանակները դուրս են նետում, օղի մէջ սուրալով անցնում, մխրճելով սրտերի մէջ, աղիքները տրորում: Բոլոր հերոսները, անցեալ ու ներկայ բեպտոուարների, խօսում են, ճառում, հառաչում, լաց լինում, ու մլաւոցի նման քամի ձեւացնող բարակ երկաթի մեքենան ձայնում է եւ թղթէ ալիքների վրայ պայթում:

Օթելլոն հասնում է Կիպրոս կղզի, իսկ Կասիոն հայհոյում է: Բրաբանցիոն դիակները վրայ պող ջուր է ածում: Գեղղեմոնան դուրս է եկել փողոց եւ մի շիջ Կօտիի համար ծախում է: Սանդուկեանցը Թիֆլիսի բարբառով բացատրում է՝ ի՞նչ է պատմական մատերիալիզմը եւ Աբխազում Ադան պրօֆիտուրիստների շուրջը խորհրդածութիւններ է անում:—

— Յայտնի է ամենին, որ Դօն Ժուանը ոսկի ժամացոյց է գողացել...

Վարիչը իրեն վատ է զգում:

* * *

Մանկավարժական Թանգարանում թիթեռնիկները հանդիսա են: Յայտնի է, որ Լուսժողովում ատում է Համալսարանը եւ դասախօսներին: Թիֆլիսի օրիորդաց դպրոցի բթամիտ այդ վարժապետիկը չի կարողանում ներել, որ ուրիշները ունենան գիտութիւն: Այդ խեղճութիւնը իր գրասենեակի մէջ ամբողջ օրը տգիտութիւնից մրտում է եւ, եթէ չլինէին Մոսկուայի պաշտօնաթերթ «Պրավդան», ուր նա արածում է իր իմաստութիւնը եւ մեքենագիր դժբախտ օրիորդները, որոնց վրայ փորձում է իր ակնոցների տակ նստած խողը, նա կը լինէր Մոնղոլիստան զրկուելիք, հայկական հին շորերի հակի մէջ, փալասի մի կտոր: Այսօր դարդարուած գորգ է, որի վրայ հրէայի մեծ ոտքերով ման է գալիս Կարլ Մարքսը:

Եկել է թանգարան: Այսինքն՝ զրկել է իր շուքը: Երկար, արտառոց մօրուքով եւ ծակը փախչող մուկի աչքերով մի մարդ:

Հո՛ւպ տալ:

Հեշտ է ասել հուպ տալ: Թրքաց արչաւանքի շրջանից սկսած, ամբողջ Միջին դարը, իր պատմական մանրամասնութիւններով՝ թուրք, մոնղոլ, արաբ՝ թառել են հարցաքննուող դասախօսի կարճատես աչքերի մէջ:

Նախագահը կուչ է գալիս: Իրեն անյար-

մար է զգում եւ, որպէսզի գուցէ պատի վրայ ճանճի հետք գտնի, մօրուքը երկարում է անորոշին:

— Բարի եղէք Ձեր անցեալ գործունէութեան մասին մեզ մի քանի տեղեկութիւններ տալ...

— Այսինչ թուականին աւարտել եմ Պետերբուրգի Համալսարանի լեզուաբանական Փակուլտետը. երկու տարի յետոյ քննութիւն տալով՝ աւարտել եմ Մոսկուայի իրաւաբանական Փակուլտետը եւ այսինչ ձեմարանի տեսչութիւնն եմ ստանձնել: Երեք տարի յետոյ աւարտել եմ Միւնխենի պատմագրական Փակուլտետը, յետոյ Բերլինի սոցիալիստական գիտութեան Փակուլտետը, յետոյ Դրեզդէնի...

Փակուլտետները՝ նախագահի առջեւ լեզու գինկա են պարում: Աջ կողմում նստած օրիորդը սարսափած մտածում է, թէ արդեօք կոմունիստական տեսակէտից ներել՞ է թիթեռնիկների փորին գնդասեղ անցնել. իսկ ձախ կողմինը գտնում է, որ նոյն կոմունիստական տեսակէտից այդքան գիտութիւնը միանգամայն բուրժուական է եւ նացիոնալիստական, որ մինչդեռ խեղճ պրոլետարիատը՝ ինքն էլ նրա հետ՝ տգիտութեան եւ աղբի մէջ է թաւալում, այս մաքուր օձիքով մարդը լեցուն է աւելորդ նախապաշարումներով:

— Այսինչ թուականին «Աւդանեան արչաւանքների» մասին իմ գիրքը թարգմանուեց գերմաներէնի. այս միւս թուականին Պետերբուրգի Ակադեմիան հրատարակեց իմ «Նախապատմական Գերեզմանաբարերի» գիրքը, մինչ Բերլինի Կայսերական Հնագիտական ընկերութիւնը լոյս էր ընծայում յունահայ բառերի իմ մանրամասն ուսումնասիրութիւնը: 1912-ին էջմիածնի այսինչ թիւ ձեռագրի մէջ ես զրտայ...

— ... 14ին թողնելով Կիեվի համալսարանի ինձ յանձնած ամբիոնը, անցայ Սարկովի վիրաբուժական հիւանդանոց եւ ստացայ պրոֆեսորի աստիճան:

— ... Մանրէների մանրամասն ուսումնասիրութիւնը ինձ մղեց ստեղծել առանձին մի ապարատ, որով...

— ... Թէպէտ այն շրջանին էյնչաէյնի տե-